

DISPVTATIO IVRIDICA
DE
L O C O
S O L V T I O N I S,

Von dem Ort der Zahlung,

QVAM

IN ALMA FRIDERICIANA

P R A E S I D E

IO. SAMVELE STRYKIO,

J. V. L. ET PROF. PVBL. EXTRAORD.

A. R. S. MDCXCIV. DIE XXVII. APRILIS

IN AVDITORIO PVBLICO

PLACIDÆ ERVDITORVM DISQVIVISIONI SVBMITTIT

IO. CHRISTIAN Scherbaum,
DVRLACENS.

VITEMBERGAE,

RECUSA IN OFFICINA HAKIANA.

M D C C X L I I.

(6)





Contraxisse unumquemvis in eo LOCO intelligi, ubi ut SOLVERET se obligavit, Julianus auctor est, in l. 21. ff. de Obl. & Act. Ansam supeditavit ille textus inquirendi in jura circa solutionis locum constituta. Nec enim solus in titulus Pandectarum, de eo quod certo loco dari oportet, hanc materiam exhaurit, sed plura occurrunt alia, quæ in controversiam deduci in foro solent, quæ tamen vix uno loco discussa deprehendentur. Quare non indigna nobis visa fuit hæc materies, quæ exercitii Academici causa colligeretur, & examini publico exponeretur. Cum autem vel pacto contrahentium locus jam sit determinatus, vel nihil de eo cautum, tribus capitibus tractationem includere libuit, exposituri primum, quo loco debitor ab ære alieno se liberare teneatur si nihil convenum, deinde, si locus certus conventionem adjectus; cui tertio subjiciemus, Fori competentiam ex solutionis loco oriundam. Deus gratia sua nobis adsit, & omnia in nominis sui gloriam evenire sinat
FELICITER!

CAPUT I.
DE
LOCO SOLUTIONIS NON
CONVENTO.

§. I.



Agnam loci rationem habere Jura nostra, ex variis veteris novæque Prudentiæ textibus constat. Etenim fori competentiam, si lite quis pulsandus, inde nasci, in comperto est, dum ad locum domicilii, ad locum rei sitæ, ad locum delicti, imo & ad locum contractus, quorsum solutionis locus pertinet *L. 21. ff. de O. & A.* subinde respicitur. Verum & in determinandis pœnis, ac æstimanda delicti qualitate, loci ratio plurimum confert. Quippe locus facit, ut idem factum vel furtum sit, vel sacrilegium *L. 16. §. locus ff. de pœn.* Atrox injuria ex loco æstimatur *§. 9. Inst. de Injur.* Locus vulneris ejus æstimationem auget *L. 3. ff. si quadrupes &c.* Præcipue autem jura creditorum & debitorum intuitu loci in controversiam venire solent; dum vel in loco destinato non solvitur, vel alio loco, quam ubi solvendum, actio movetur, de quo prolixè cautum est integro Pandectarum titulo de

eo quod certo loco; quæ singula excutere nostri instituti non est, sed tantum, quod debitor loco ad solvendum teneatur, dispiciendum.

§. II.

Locus autem Solutionis, vel certa conventio-
re determinatus est, vel nihil hac de re conventum.
De illo casu agendum capite sequenti: quid vero ju-
ris sit, si nihil de loco solutionis conventum, præsentis
capite demonstrare tentabimus.

§. III.

Hic igitur illud generalissime verum arbitramur,
teneri debitorem ad faciendum solutionem
in illo loco, quo a Creditore convenitur, modo
etiam ibi eum conveniendi jus habuerit; quod non
tantum de foro domicilii debitoris, sed & de con-
tractus foro intelligendum; quia verosimile est,
voluisse contrahentes, ut ibi impleatur contractus,
ubi celebratus. Carpzov. P. III. Dec. 216. Matth. We-
senbec. P. III. Conf. 132. n. 45. & P. VI. Conf. 264. n. 44.
seqq. Baldus P. III. Conf. 224. & P. V. Conf. 332. Myr-
sing. Cent. 4. Obs. 82.

§. IV.

Quamquam autem hic regeri possit, generali-
tati assertionis nostræ obstare vehementer L. 38. ff.
de Judic. ubi, si res legata, eadem præstanda dicitur
eo loco, ubi sita vel relicta, ut hinc alii generaliter
asserant, debitum gratuitum, non alio loco solven-
dum, quam in loco domicilii debitoris. Sigism.
Scaccia de Camb. §. 2. gloss. 5. n. 228. & 235.

nec hoc nobis officere existimamus; quod enim Legem dictam attinet, nihil illa continetur aliud; quam, quod creditori licentia concedatur, debitorem etiam in loco rei sitæ, si scilicet species promissa, conveniendi. Bocerus *Class. IV. Disputat. 18. tbes. 38.* Deinde est etiam alia legatorum alia contractuum ratio: ubi enim quis heredem conveniret, nisi in loco domicilii vel sitæ hereditatis? hoc igitur fundamentum est, cur ibi saltem solvere teneatur. Quam tamen materiam plenius excussam reperies *Cap. III. in fin.* ubi etiam limitatio Regulae reperietur. Quod si quis jam subsumere velit, in omni debito gratuito idem valere, vereor ut fidem ab aliis consequatur. Ponamus enim casum, tibi promissam esse Berolini summam ducentorum florenorum a Cive quodam Lipsiensi, nemo negabit, opinor, posse te debitorem tuum Berolini convenire, ad promissi fidem liberandam, quanquam hoc debitum sit mere gratuitum. Modo tamen tantum alteri spatium concedatur, quo pecuniari sibi parare possit *L. 105. ff. de Solut. & L. 33. ff. de Usur.*

§. V.

Idem verum esse existimamus in Cambio, ubi locus in quo facienda solutio expressus non est, ut sic eadem ratione in foro contractus, sive ubi literis campforiis promissio facta, conveniri possit debitor. Habet exemplum Carpzovius *P. III. Dec. 216.* de Mercatore Hamburgensi qui Lipsiæ dederat literas campforias, Wechselbrieffe, & pecuniæ summam certo tempore promiserat, sed non adjecto loco

loco solutionis: conveniebatur campfor Lipsiæ, hic excipiebat, se Lipsiæ solutionem non promississe, nec sibi domicilium ibidem esse; & pronunciatum est pro actore, justam esse ejus petitionem. Confer. B. Brunnem. *ad L. 21. ff. de O. & st. n. 1.*

§. VI.

Sed hæc de illo debitore, qui a Creditore convenitur, dicta, & quæ plura dici poterant, minus sorte dubii habebunt: id vero majoris disquisitionis est, quo loco sit facienda solutio, si debitor ultro offerre debirum, & hac ratione vel a pœna convena, vel a mora se liberare velit? Hic autem id apud omnes in confesso est, non sufficere oblationem debiti ubicunque locorum factam, sed, nisi opportuno loco fiat, vix suo effectu gaudere. *L. 32. ff. de Usur. L. 39. ff. de Solut. L. 9. C. eod. L. 19. C. de Usur. Matth. de Afflict. Dec. 150. n. 11. Vincent. Caroc. de deposit. P. II. qu. 5. n. 1. & 2. Menoch. de A. J. Q. l. 2. cent. 3. cas. 232. n. 30. Brisson. de Solut. & liberat. L. 2. p. m. 117. Negusant. de Pign. P. 5. membr. 8. Arum. de Mora c. 7. n. 4.*

§. VII.

Quis vero hoc casu dicendus sit locus idoneus, non omnino conveniunt Dd. Quidam eum demum idoneum dicunt, ubi Creditor domicilium habet, propter *L. 19. §. f. ff. de Judic.* Alii illum etiam locum admittunt, ubi obligatio contracta & accepta pecunia, idque per *L. 45. §. 1. ff. d. t.* Nos vero illorum sententiæ subscribimus, qui pro domicilio creditoris pugnant, ob faciendos sumptus a Creditore ad perferendam pecuniam: Cui & accedit, quod, cum acci-

accipiendo transferatur dominium, tanquam traditione longa manu facta, arg. *L. Pecuniam 79. ff. de Solut.* creditor omne postea periculum, cui pecunia interim, dum perfertur, obnoxia, sustinere habeat necessum. Ex quo sua sponte consequitur, non posse illum locum pro opportuno haberi, quo contractus celebratus, sed eum demum, ubi domicilium constituit Creditor.

§. VIII.

Nec patrocinator contrariæ opinioni allegata *L. 45. §. 1. ff. de Judic.* cum nulla ibi Papiniani aliamens sit, quam, posse debitorem in loco contractus conveniri actione iudicati, etiamsi alibi damnatus sit. Vbi is quidem verus sensus est, esse locum contractæ obligationis idoneum quantum ad conveniendi facultatem; at, qui exinde colligunt, esse etiam eum idoneum, quantum ad debiti obligationem, lubrico nituntur fundamento, cum ab uno ad alterum ducere argumentum non liceat. Nam id generale est, ubicunque quis convenitur, ibi recte solvit, quanquam & hic ad interesse, quod non idoneo loco solverit, condemnari possit; inde vero non sequitur, inverso ordine, ubi quis conveniri potest, ibi eundem, antequam conveniatur, recte solvere & offerre debitum. Pro contraria tamen opinione pugnat Donellus *L. 16. Comment. C. 11. lit. E.* Bocerus *Class. IV. Disp. 19. thes. 34. & 38.* Duarenus in *Comment. ad tit. de eo quod cert. loc. c. 4.* add. Paul. de Castro ad *L. 38. ff. de Jud. n. 2.*

§. IX.

§. IX.

Videmus ergo, non sufficere, quod statuit Georg. Schultze *Tr. de Deposit. & Oblat. pec. c. 4. num. 19. p. 234.* ut sc. debitor magistratum suum interpellat, & apud eum ostendat, sibi paratam esse pecuniam, petatque citationem ad creditorem, ut compareat ad recipiendam oblationem. Id enim sine dubio non aliter admittendum, quam si expresse conventum, ut in loco domicilii debitoris solutio fiat: vel etiam vox *suam* referenda ad creditorem, quantum nec ita sufficit oblatio, sed debitor pecuniam ad creditorem ipsum perferre, & eidem solutionem offerre tenetur, per *L. 72. pr. & §. 3. ff. de Solut.* ubi expresse Marcellus asserit, non posse quem dici obtulisse, qui absens est. *Conf. L. Julianus 13. §. offerri 8. ff. de Action. Empt.*

§. X.

Sed an qualiscunque oblatio sufficit? Tuetur negativam, nec aliter liberari debitorem existimamus, quam si pecuniam paratam ostendat, & sic numerationem offerat. Vnde non sufficit oblatio *in solle*, qua phrasi Callistratus utitur in *L. 82. ff. de Condit. & Demonstr.* hoc est in sacculo, ut eam explicat Dionys. Gothofredus *d. l.* sed numeranda est pecunia, nisi creditor acceptare eam in solle voluerit. Atque ita intelligendi Dd, quando communiter asserunt, quod omnes LL., quæ dicunt, debitorem debere paratum esse solvere, intelligi debeant, quod debitor teneatur ire cum denariis in manu, alias eum obtulisse dici non posse. Alexander Tartagn. *Vol. IV.*

B

Conf.

Conf. 34. n. 9. & Conf. 130. n. 11. Roland. a Valle Vol. I. Conf. 53. n. 34. Tiraquell. de Retrait. lignag. §. 1. gloss. 17. n. 8. Negusant. de Pign. P. 5. pr. membr. 3. Bertachin. Repertor. voc. oblatio Cothman. Vol. I. Resp. 45. n. 135. Aut. Natta T. III. Conf. 631. n. 2. Sigism. Scaccia de Camb. §. 2. gloss. 5. n. 236.

§. XI.

Interim tamen hæc non de quacunque præstatione rei debitæ, sed de solutione quantitatis tantum arripienda sunt, nam in debito speciei res sæpius paulo aliter se habet: ita depositarius non tenetur rem alio loco, quam quo deposita est restituere: idem de restitutione pignoris verum esse existimamus, dum enim, secundum allata, debitor pecuniam ad locum domicilii creditoris perferre tenetur, sufficit si eodem loco restituat pignus creditor. Pariter rem venditam præstare alio loco venditor non tenetur, quam ubi res vendita, nisi aliud in specie conventum. Reliqua quæ hic afferri possent, studio omittimus, cum decisionem ex indole contractus nanciscantur.

§. XII.

Videamus saltem, quo loco condicendum sit indebitum, an eo loco ubi solutum, an vero eo ubi alius forum sortitur, qui accepit? Meminit hic *Jafson* controversiæ inter *Citramontanos & Ultramontanos* hanc propter questionem agitatæ: quorum hi existimabant, repeti indebitæ solutum non posse, nisi in foro domicilii rei: Illi vero etiam in loco solutionis repetitionem concedunt. Quorum sententiæ

sententiæ

sententiæ nos etiam calculum subjicimus. Idque imprimis ob *L. 27. ff. de Cond. indeb.* ubi, repetitionem indebiti quolibet loco fieri posse, statuit Paulus JCtus; ergo sine dubio etiam in loco solutionis factæ. Accedit quod indebiti solutio quasi contractus sit §. 6. *Inst. de Oblig. quæ quas. ex contr. L. 5. §. 3. ff. de Obl. & Act.* Bachov. *de Action. Disp. IV. rbes. 15.* & hinc eo ipso forum constituat in loco contractus, quod, quanquam a nonnullis in dubium vocetur, nos tamen immotæ veritatis esse censemus, imprimis, propter *L. 20. ff. de Jud.* ubi expresse dicitur, eo loco quemque contraxisse videri, quo obligatus est; jam vero quo loco quis indebitum solvit, eo alter obligatur & sic contraxit, eoque ipso forum contractus fundavit. M. Stephani *de Jurisdic. L. 1. c. 29. n. 30.* Carpzov. *L. 2. Resp. 29. n. 2. & 3.* Ut adeo nec opus sit, cum Hotomanno statuere, solutionem indebiti verum contractum esse, cum id textibus juris nostri manifesto refragetur.

§. XIII.

Supereſt, ut de debito per ultimam voluntatem acquisito videamus; ubi illud generaliter Dd. asserunt, præstandum esse legatum eo loco, ubi relictum nisi testatur aliud speciatim disposuerit, quod principaliter fundamentum in *L. 47. ff. de Leg. 1. L. 38. ff. de Jud.* Barboſ. *ad L. 19. pr. ff. de Jud.* Brunn. *ad L. 50. ff. de Jud. n. 3.* Donellus *l. 17. Comment. c. 15. lit. c.* ibique Hilliger. Quæ sententia omnino assensum meretur, nihil enim in legatorum testamentorumque causis magis attendi solet, quam ut morientium

voluntatibus, quantum possibile, satisfiat *L. 1. C. de S.S. Ecclef.* Jam vero cum semper sit præsumtio, non voluisse testatores nimirum gravare heredes suos, secundum doctrinam Papiniani, in *L. 67. §. 8. ff. de Leg. 2.* fuit exinde sua sponte, voluisse etiam defunctum ut legata in loco tantum hereditatis sitæ præstentur; ne scilicet sumptibus in transportandis legatis gravetur heres. Quo autem loco heres conveniri possit a Legatariis, sc. non tantum in loco hereditatis sitæ, sed etiam domicilii, cujus electionem habet heres, de eo videri potest Hilliger *loc. cit.* Ubi contra Vultejum, qui Jura absurditatis hoc passu accusat, disputat, eumque convincit: Et nos *Capite III. in fin.* Brunnemannum defendemus.

§. XIV.

Quid vero dicendum, si alimenta cuidam relicta, maior disputatio est? *Surdus Tr. de Alimentis Tit. 4. qu. 16. n. 1.* & qui eum sequuntur, statuunt, non alio loco teneri heredem præstare alimenta, quam in suo domicilio, non autem in loco ubi degit alimentarius. conf. *Roland. a Valle Vol. 1. Conf. 22. n. 10. & 11.* Contra vero heredem, & quemvis alium debitorem, teneri solvere alimenta, in loco ubi alimentarius moratur, defendit *Baldus P. III. Conf. 224. in pr. & Conf. 225. in pr.* quem sequitur *Tuschus Concl. pract. T. VII. Concl. 350. n. 6. sequ.* ubi *n. 7.* cum Baldo exceptionem format, in divite alimentario, quia in hoc cessat favor alimentorum. Nos turius esse æquiusque existimamus Baldi sententiam amplecti: quodsi enim certum est, quod vincit *Ulpianus in L. 47. pr. ff. de Leg. 1.* præstanda
ibi

ibi esse legata, ubi verosimile est, testatorem voluisse; quis tam imperitus sit in colligendis humanis voluntatibus, ut statuatur præsumendum, voluisse defunctum, ut pauper, ac miseratione omni dignus alimentarius (de hoc enim, non de illo, qui bonis abundat, disputatio est) propriis sumptibus alimenta petat? Sane nulla eo casu, vel si quædam, exigua tamen, legati utilitas in eum redundaret, id quod nunquam maximus ille alienatorum fauor admittit.

§. XV.

Sunt adhuc aliæ legatorum species, quas exceptionem a Regula formare, & non loco hereditatis sitæ, sed domicilii legatarii præstandas esse existimant Dd. Ita legatum studiorum gratia relictum, solvendum ubi legatarius studiis operam navat. Simon de Prætis *de Interpret. ult. volunt. l. 4. dub. 11. Interpret. r. num. 108.* Surdus *de Aliment. cit. qu. n. 40.* Pariter si legatum relictum ad mensuram certi alicujus loci, videri destinatum solutionem in loco mensuræ, putat Baldus *d. Conf. 225. pr.* Card. Tuschus *alleg. Concl. 350. n. 8.* De quo ultimo tamen dubitamus, cum vix videatur ea mens testatoris fuisse. Ita, si v. gr. alicui legati fuerint centum Imperiales, ut quidem in bonitate secundum conventionem Lipsientem, nach dem Leipziger Fuß, legatario exsolvantur, quis inde colligeret, voluisse testatorem, ut Lipsiæ fiat numeratio?

§. XVI.

Cæterum quæ in præcedentibus de solutione

facienda in domicilio creditoris dicta, eo pertinent, quod in illo loco vel civitate, ubi habitat creditor, solvi, vel solutio coram illius loci iudice offerri debeat. Jam vero restat ut videamus, an debitor in ipsas ædæs creditoris se conferre teneatur, & ibi pecuniam solvere; Ob er ihm das Geld müsse ins Haus bringen? Et generatim dici posse videtur: *Quoties solutioni certus dies destinatus, toties solutio facienda in ædibus ipsius creditoris;* deducto argumento a tempore ad locum, quod validum in jure existere, existimant Dd. magno numero citati ab Aug. Barbosa *Loc. Comm. arg. Jur. Civ. no. num. 2.* Euerhard. *Top. legal. loc. 38.* hoc est, qui certa die solvere alicui tenerur, iste etiam obstrictus est, ut ad illum locum specialem se conferat, ubi ille degit solvendum. Ad factum enim obligatus, omnia quæ ad facti implementum pertinent, media eligere debet. Unde superflua videtur cautela, in obligationibus plerumque expressa: Daß er dem Gläubiger das Capital in seine Behausung bringen, und seine Obligation der gestalt lösen wolle, utpote cum ad hoc ex natura contractus obligetur. Rationem vero asserti hujus repete ex §. VII. b. cap. eo enim loco offerenda pecunia, ubi eam secure & acceptare & possidere potest creditor: Jam vero si in tertio loco fiat solutio, semper timeri potest periculum, cum interea, antequam domum pervenerit creditor, ipsi ab aliis, communicatis forte cum debitore consiliis, pecunia auferri possit, & ita

& ita damnum sentire creditor, quod tamen ne contingat, solutio facienda. Franc. Gallus *Tr. de Fructibus Disp. X. art. 2. n. 76.* Imo vel in ipso desiderio debitoris, dum in ædibus creditoris solvere renuit, dolus subest, nisi alia eaque justa causa eum, ut alibi solvat, movere videatur.

§. XVII.

Sunt vero ex Dd. qui hoc cum distinctione accipiunt, & de illo debitore, qui ejusdem cum creditore domicilii est, admittunt, quod in domo creditoris solvere teneatur; negant autem si domicilia in diversis territoriis habeant. *Surdus de Aliment. rit. 4. qu. 16. n. 7.* *Rota Gen. Dec. 144. n. 4.* *Roland. a Valle Vol. 1. Conf. 87. num. 12. seqq.* *Sigism. Scaccia de Camb. §. 2. gloss. 5. num. 243.* *Jo. Gothofred. Freyer de Solut. c. 6. n. 25.* *Paris de Puteq de Feud. reintegr. c. 33. per 102.* *Petrus de Ubaldis in Tr. de duob. Fratr. qu. 14. n. 15.* *Aug. Beroius Vol. I. Conf. 126. n. 20. Et Conf. 151. n. 15.* Enimvero quicquid horum sit, in nostra tamen opinione perstamus, debitori simpliciter, ubicunque domicilium habeat, necessitatem impositam esse solvendi in domo creditoris: cum nec solida ratio in contrarium afferri possit, imo tacitus insuper contrahentium consensus subesse videatur, ut pecuniam absque ullo damno vel periculo creditor accipiat.

§. XIX.

An autem idem obtineat in debitore ex causa lucrativa, seu donatore, quod & ille rem donatam ad ædes donatorii perferre teneatur, non conveniunt.

unt. Plerique hoc casu exceptionem formant, & creditorem adstringunt, ut ædes donantis accedat, ibique rem donatam accipiat. Freyer *dist. Tractat. c. 9. n. 16.* quem sequitur Struvius *Syntagm. Jur. Civil. Exercit. 47. tb. 75.* Verum nullum decidendi subijciunt rationem, sed Freyerus tantum provocat ad *L. 38. ff. de Judic. c. cujus tamen diversam rationem esse jam ostensum est §. IV. & XIII.* Vix ergo aliud decisionis fundamentum suberit, quam, quod cum eo, qui ex liberalitate sua convenitur, tanto cum rigore non procedendum, quam cum illo, cujus necessitati a nobis, credendo pecuniam, succursum est. Interim tamen, illa quæ humanitatis sunt, non mox inducunt juris necessitatem, arg. *L. 41. ff. de acquir. vel amit. poss.* & sicut donare ab initio liberum fuit, ita donatum præstare, ex post facto necessitatis est, arg. *L. 5. C. de O. & A.* inde post donationem completam donatarius, si jure suo uti velit, compellendi donatorem jus habet, cum donationi insit tradendi necessitas, adeo, ut nec liberetur præstando interesse §. 2. *Inst. de Donat.*

§. XIX.

Confectarium vero illius, quod §. XVI. dictum, est, teneri Emphyteutam annuatim ire ad domum ipsius domini & ibi canonem solvere. Abb. Panorm. *in Cap. 9. X. de Restit. Spol.* Colerus *P. I. Dec. 24. n. 9.* Casp. Roderic. *de annuis reddit. l. 2. qu. 6. n. 2.* Carpzov. *P. II. Const. 38. def. ult. n. 1.*

§. XX.

Idem hoc procedere dicunt Dd. in censu annuo pecu-

pecuniario, cujus solutionem fieri debere per censuarium in domo domini census. Roder. *d. quæst. 6. n. 2.* Leonhard. Duard. *de Censib. in Resol. §. 3. qu. 8. n. 22.* Vbi tamen hoc limitat in pensione fructuaria, quod hujus solutio fieri debeat in loco, ubi res sita est, ex cujus fructibus solutio facienda: quod admitto, si pars quota fructuum ex fundo perceptorum præstanda; tunc enim ille cui debetur quota fructuum, omnino in fundo illo præsentem se sistere tenetur, quo distributio fructuum fieri possit. Quod & in Ecclesiæ Ministris ratione decimarum obinet, hi enim pariter a Parochianis in agrum vocandi, & ipsis decima pars fructuum assignanda, ne alioqui fraus eis facta dici possit, sicut hoc provisum in *Ordinat. Eccles. Saxon. Art. 22.* Add. Carpz. *Jurispr. Conf. l. 1. def. 130.* eo ipso autem, quamvis separatio portionis fructuarie in fundo fieri debeat, non tamen liberatur debitor decimarum, quo minus decimas ad ædes Pastoris deferre debeat Carpz. *d. lib. I. def. 135.* Alex. Monet. *de Decimis c. 6. num. 1.* Quod & in aliis casibus locum habere puto, nisi aliud pacto vel consuetudine introductum.

§. XXI.

Quæritur hic etiam de laudemio, quo loco id Vasallus Domino præstare debeat? Existimamus eandem hic decisionem obtinere, tenerique Vasallum ut laudemium, die *Lehnwahr*, in curte, uti Feudistæ loquuntur, sive curia Domini offerat, cum hic idem in Vasallo, quod in Emphyteuta verum sit, unde & hoc casu ab uno ad alium argumentum duci

C

pos.

posse, cum diversitatis ratio non adsit, opinamur. Quod maxime procedit, si certum tempus laudatio solvendum præfinitum, quod tempus in jure determinatum non est, sed ex pacto vel statuto dependet. Frantzck. *de Laudem. c. 25. n. 2. seqq.*

CAPUT II.
DE
LOCO SOLUTIONIS
CONVENTO.

§. I.

TOta contractuum materies ex conventionione partium dependet, quicquid enim inter partes de negotio cæteroquin honesto, conventum fuerit, illud custodiri etiam a iudice debet. Et huc spectat vulgatum illud: Pacta dant Legem contractibus: unde & pactum inter privatos initum, lex privata dicitur *L. legem 10. C. de Pact. Cagnol. ad L. 2. C. de pact. int. Empt. &c. n. 9.* Ita ipsam etiam contractuum naturam pactis mutari posse, apud omnes in confesso est, *L. 7. §. 5. ff. de Pactis* cum nihil in conventionibus respiciendum, quam potestas & voluntas contrahentium, de qua si constiterit, firma adest obligatio *L. 23. ff. de R. J. Seraphin. Dec. 787. n. 2. Thom. de Thomasset. in florib. Legum Reg. 8.* Quis ergo neget in arbitrio pariter debitorum & creditorum esse, de loco solutionis specialiter quid in contractu disponere? Quo facto, non alio respicere debitor opus habet, quam ad terminos conventio-

tionis. Postquam igitur præcedenti Cap. quoddam d. bitoris circa faciendam solutionem officium sit, in genere demonstratum, jam de eo solliciti erimus, ut ostendamus, quid observandum, si locus solutionis in contractu expressus.

§. II.

Mox vero hic occurrit Dd. distinctio, qua conventionem in expressam & tacitam dispefcere solent, ex qua etiam diversitas contractuum resultat, dum alii veri, qui expresso, tali quasi contractus, qui tacito & præsumpto consensu constant, vocari solent. Inde pariter est, quod plerique afferunt, alium locum tacite conventum videri, alium expresse: tacite videri locum appositum ex natura contractus sine ministerio contrahentium. Sigism. Scaccia *de Camb. §. 2. gloss. 5. n. 195.* Quod si secundum terminos capituli præcedentis explicetur, facile assensum merebitur, nam sic omnino verum est, quod Dd. ajunt, tacitum locum, sive qui a jure inest, idem operari, quod certus & expressus Ludov. Postius *Resol. 137. n. 29. seqq.* Giurba *Dec. 117. num. 18.* Verum si iste asserti sensus est, tacitum locum illum esse, ubi contractus celebratus, quod sensisse videretur Freyer *de Solut. c. 6. n. 12.* non possum illud salva veritate admittere. Ponam enim casum: me, ob negotia Berolini degentem, Titio ibidem mutuo dedisse centum: quis ea propter diceret, me, contrahendo Berolini renunciasse juri modo, quod contra debitorem habebam, ut ille solutionem in loco domicilii mei ædibusque propriis faciat? Proinde

Freyeri sententia non aliter admittenda, quam si in loco contractus simul domicilium habeat creditor.

§. III.

Quamquam autem hæc de conventionione tacita facile procedant, aliud tamen de expressione loci per verba æquipollentia pronuntiandum. Quorsum pertinet pactum ingrediendi, aut capiendi bona debitoris: Der Gläubiger soll Macht haben durch arrest seine Güter eigenen Gefalles anhalten zu lassen, vid. *L. 3. C. de pign. Mev. de Arrest. c. 12. n. 13. seqq.* Bachov. *de Pign. l. 3. c. 21.* Sane hoc casu, postquam arrestum impositum, non alius solutioni locus videtur destinatus, quam ille, ubi bona sita. *Mev. d. l.* Pariter eodem referenda obligatio ad obstagium: Die Verbindung zum Einlager; Ubi solutionis locus videtur esse domicilium debitoris. Qualis obligatio propter maximos abusum in Imperio abrogata per *Reform. Polit. de anno 1577. tit. 17. von wucherlichen Contracten §. wiewohl auch.* Hering. *de Fidejuss. c. 17. n. 69.* Carpzov. *P. II. Const. 22. def. pen.* Sed Nobilibus tamen in Holsatia iterum confirmata *Instr. Pac. Os-nabr. art. 8. §. de indaganda in fin.* Conf. Tabor. *de Obstag. c. 4.*

§. IV.

Jam de expressa loci adjectione agendum, ubi certum est, de loco solutionis non semper speciatim conveniri, sed interdum generaliter, imo generalissime. Quid igitur in hoc casu juris sit, paucis videndum, deinde de speciali loci adjectione acturi. Quodsi ergo generalissime quis promiserit, se solu-

solutorum ubique locorum: Es selte der Gläubiger Macht haben, den Schuldner an allen Orten und enden zu verklagen, und zur Bezahlung anzutreiben; sine dubio vi hujus oblationis debitor solvere tenetur, ubicunque locorum ipsum convenerit creditor. Inde hoc cautelæ loco observandum, & obligationibus inferendum, existimat Gail. l. 2. *obf.* 36. *num. ult.*

§. V.

Non autem illud generaliter accipiendum, quantumvis enim juramento etiam debitor se cuicunque Judicio submiserit, non tamen potest mox in quovis loco conveniri, nisi etiam ibidem reperiat. Aug. Beroius *Vol. 1. Conf.* 138. n. 11. Baldus *Vol. III. Conf.* 167. n. 1. Jacob. Cancerius *Variar. Resol. P. II. cap. 6. n. 169.* de quo agemus ex professo *sequ. Cap. III.* Proinde cum hoc jam tum huic negotio insit, non video, qua ratione Bartolus in *L. si convenerit n. 4. de ff. Jurisdic. omn. Jud.* exigere potuerit, ut speciatim addatur, se soluturum, ubicunque fuerit inventus; quanquam enim vox *inventus* non fuerit adjecta, nihilo tamen secius clausula effectu suo gaudet, secundum vulgatam regulam: Quæ tacite insunt, non opus est ut exprimantur Bachov. *ad Wesemb. tit. de L. Falcid. n. 8.* Francisc. Molin. *tr. de Ritu Nupt. l. 3. qu. 80. n. 30.* Francisc. Leo in *Theaur. fori Ecclesiast. P. III. C. 7. n. 61.* Joseph. Vela *Diff. 12. n. 2.* Escobar. *de Rationat. c. 7. n. 7.*

§. VI.

Quæ vero hic dicta sunt, perpetuam limitationem

nem habent, modo locus, quo convenitur debitor, talis sit, de quo tum temporis, cum se omnijudicio submisisset, probabiliter cogitare poterat. Præterquam enim quod ipsi jam grave sit, quod alio quam domicilii loco solvere teneatur, non est ulterius hoc odiosum extendendum, ut etiam eo loco teneatur, de quo, cum se obligaret, ne cogitare quidem poterat. *Gallef. de Camer. Obligat. quæst. 3.* Jacob. Cancerius *Var. Ref. P. II. c. 6. n. 101.*

§. VII.

Solent etiam Dd. a generalitate illius, quod §. IV. diximus, excipere eum casum, si quis quædam loca speciatim expresserit, & ulterius generaliter promiserit, se in quocunque alio loco solvere velle, ubi, non posse debitorem conveniri in loco remotiori & majoris distantiae, statuunt. Sic, si quis debitor Halæ promiserit, se soluturum Berolini, Lipsiæ, Dresdæ, vel quocunque alio loco, non poterit conveniri Hamburgi, quia hic locus Hala distantior est cæteris. Decius *in Cap. I. de Judic.* Oldradus *Conf. 8.* Jacob. Cancerius *P. II. c. 6. n. 163. seqq.* Roman. *Conf. 80. n. 9.* qui tamen diversum obtinere dicit, si in quocunque loco, non expressa voce, alio, permiserit, tum enim ubicunque eum conveniri posse, quantumvis iste locus, cæteris nominatis sit distantior. add. Card. Tusch. *Pr. Concl. P. VII. Concl. 150. n. 3.* Nos vero id subtilitatem scholasticam redolere credimus, cum etiam vix hæc differentia germanico idiomate exprimi possit.

§. VIII.

§. VIII.

Inde & illorum supervacua industria est, qui negotium expedire allaborant, distinctione adhibita, an loca prolata copulative, an vero disjunctive: illo casu totum debitum secundum proportionem in locis expressis & pro rata etiam ubique locorum peti posse, hoc vero casu idem esse ac si nullus locus expressus fuerit. Meier. in Colleg. Jur. arg. tit. de Judic. n. 231. Enimvero si in casu, quo copulativa locorum expressio facta, quis pro rata in locis etiam non expressis conveniri potest, quaero, qua ratione habenda sit proportio? quod in primis exemplo lingua venaculæ clarescit, veluti si dicerem: Und gebe ich den Gläubiger Macht, daß er mich zu Berlin, und zu Dresden und an allen andern Orten verklagen, und zur Bezahlung antreiben möge; esset contractum contrahentium facta interpretatio, si creditor singulis locis saltem partem debiti consequi deberet. Id quidem certum ac indubitatum est, diversam explicationem mereri expressionem locorum, quæ per copulam, præ illa, quæ per disjunctivam concepta; sed hoc tum saltem verum est, si omnia loca expressa. Ita qui Ephesi & Capuæ promittit, hoc agit, ut partem Ephesi & Capuæ partem solvere teneatur, sicuti eodem exemplo utitur Ulpianus in L. 2. §. 4. ff. de eo quod certo loc. Quod si vero disjunctive, aut Capuæ aut Ephesi promittat, uno tantum loco solvere tenetur, ita, ut habeat electionem quo loco solutionem facere velit; sed tamen & creditor, si debitor in solutione cesset, potest eligere, quo loco ipsum

ipsum actione directa convenire velit, & quidem in solidum: per clarum textum in *d. L. 2. §. 3. ff. d. t. Barn. Brisson. de Solut. l. 1. p. m. 52.* At hęc omnia, uti diximus, non possunt locum habere, si in fine adjecta sit expressio locorum generalis. Hoc quidem largior facile, ut ille, quantum possibile est, secundum voluntatem contrahentium faciat interpretationem. Ita, si quis certa loca Germaniæ expresserit, & postea generalem clausulam subjiciat, posse eum quidem quocunque alio loco conveniri autumamus, sed tamen non extra Germaniam, quippe cum videatur ista ejusmens colligisse posse, ex speciali locorum Germaniæ expressione: se quid in contractuum interpretatione magis inspiciendum, quam mens & intentio contrahentium? *L. 52. ff. de V. O. Molin. de Primog. l. 1. c. 4. n. 20. Cannon. Comment. Jur. Civ. l. 7. c. 1. n. 13.*

§. IX.

Sed quæritur, si generaliter ubicunque locorum quis solvere promiserit, & tempus fuerit obligationi adjectum, quo loco solvendum debitoris sit, si a more se liberare velit? Existimamus hic, cum generalis illa locorum adjectio in gratiam creditoris potissimum facta, *Zanger de Except. P. III. Cap. 1. n. 224.* debuisse etiam creditorem locum, quo solutio facienda, eligere non ergo constituitur debitor in mora, etiam tempore convento non solverit, sibi enim imputet creditor, quod prius, quo loco solvendum, non disposuerit. Debitor igitur dum electio-

lectionem expectavit, & interim solvere paratus fuit, non potest dici moram commisisse. Card. Tuschus *Pr. Concl. T. VII. Concl. 350. n. 2.* Alexander Tartagnus *Vol. V. Conf. 45.*

§. X.

Missã igitur obligatione generali, disquirendum est de eo casu, ubi specialiter & determinate locus solutioni destinatus. Tum vero altero invito non potest alio loco fieri solutio; plurimum enim vel commodi vel detrimenti qualitas loci comprehendit, Marc. Anton. *Peregrin. Vol. I. Conf. 41. n. 18.* quod non tantum in Creditore verum esse opinor, sed etiam in debitore, ita, ut nec hic alio solvere loco teneatur, quam eo, de quo conventum. Exemplo enim perniciosum est, debitorem compellere, ut alio quam destinato loco solvat *L. 8. C. de Solut. ibique B. Brunnem. n. 1.*

§. XI.

Hic jam omnia illa, quæ de oblatione debiti præcedente capite allata, aliam interpretationem recipiunt, nulla remanente difficultate, cum nihil, quod quacunque ratione ad solutionem pertinet, alio quam convento loco peragendum: nec a mora liberatur debitor, licet creditori ipsi, alio tamen loco pecuniam offerat: non enim idem est, quocunque nobis loco solvatur. *L. pen. ff. de eo quod cert. loc. L. 122. sub fin. pr. ff. de V. O. Menoch. de A. F. Q. l. 2. cent. 3. cas. 232. num. 30. Zanger. de Except. P. 3. c. 1. n. 223. Et c. 2. n. 64.* Quod in tantum verum est, ut,

D

hen-

hensa, solum liberatio tamen non sequatur. *L. 2. §. idem Julianus ff. de eo quod cert. loc. nisi ut id liceret, specialiter stipulatione cautum. L. 98. §. 6. ff. de Solut. Barn. Briffon. de Solut. l. 1. p. m. 53.*

§. XII.

Dispicendum porro de vexatissima illa controversia, quæ inter Dd. agitur, an, si v. g. tecum contraxerim Lipsiæ, sed locus destinatus solutioni sit Berolinum, usura, vel etiam valor monetæ, sit æstimandus ex loco contractus, s. moribus Saxonice, an vero ex loco solutionis, sive moribus Marchicis, cujus inprimis in usuris præstandis magna diversitas est, cum in Saxonia saltem quincunces, in Marchia vero semissales solvi soleant? Sunt non pauci in ea opinione, in hujusmodi vel monetæ, vel usurarum distinctione, locum destinatæ solutionis ante omnia attendendum: etiamsi vel in loco contractus, vel in loco domicilii aliud observetur. Cujus sententiæ defensor inprimis existit Berlichius *Dec. 102. n. 1. ubi n. 5. addit, quod, etsi debitor fuerit morosus, & creditor eum in loco domicilii convenire, & ad solutionem compellere cogatur, nihilominus debitor illum valorem, qui in loco destinatæ solutionis currit, & forte major est, quam in loco domicilii, solvere & supplere cogatur. Conf. pro ea sententia Matth. Wesenbecius P. I. Conf. 14. num. 54. P. III. Conf. 132. num. 62. in f. & Conf. 139. n. 48. P. IV. Conf. 264. n. 44. Oldradus Conf. 108. in pr. Alexand. Tartagn. Vol. V. Conf. 37. Georg. Schultze de Oblat. & depof. pec. c. 4. n. 29. p. m. 253. ubi præjudicia assert,*

tam

tam Scabinorum, quam Jctorum Lipsiensium & Wittenbergensium. Fundamentum asserti hujus ponunt in *L. 21. ff. de A. & O. L. 3. ff. de eo quod cert. L. 22. ff. de Reb. Cred. & L. 19. §. fin. ff. de Judic.*

§. XIII.

Verum enimvero sic salva aliorum autoritas, nobis tamen contraria opinio verior videtur, non esse hic casibus attendendum locum solutionis, sed locum contractus gesti. Sunt enim nimis clara Ulpiani verba in *L. 34. ff. de R. J. semper in stipulationibus & in cæteris contractibus, sequendum, vel id, quod actum, vel si id non appareat, quod in regione, in qua actum est, frequentatur.* Inde Dd. generaliter asserere solent, semper in sollemnitatibus attendendum esse locum actus gesti. Barbofa *Loc. Comm. Lib. XVII. Cap. 39. Axiom. 5.* Confer. pro nostra opinione B. D. Brunnem. *ad L. 21. ff. de O. & A. Roland. a Valle Vol. 3. Conf. 100. n. 13.* ubi hanc sententiam communem dicit. Matth. de Asslict. *Dec. 363. n. 5.* Socin. *Vol. I. Conf. 247. num. 4.* Barb. *Vol. II. Conf. 15.* Udalric. Zasius *ad d. L. Contraxisse 21. num. 2.* quanquam *n. 1.* dubie loquatur. Jacob. Cæncer. *Variar. Resol. P. II. cap. 6. num. 157.* Jo. Carol. Antonell. *de tempore leg. l. 1. c. 42. n. 27. seqq.* Marefcottus *Var. Resol. l. 1. c. 94. n. 2. & 3.* Seraphin. *Dec. 944. n. 2.*

§. XIV.

Leges quas nobis objiciunt adversarii, tantum abest, ut quidquam veritati refragentur recte explicatæ, ut potius ne verbum quidem illi contrarium contineant. Nam in *L. 21. ff. de O. & A.* dicitur

quidem locum destinatae solutionis similem esse loco contractus, sed hoc, quantum ad fori competentiam attinet, intelligendum, de qua capite sequenti agemus, quod vero alios effectus concernit, remanet regula Vlpiani ex *cir. loc. 34.* attendendum esse morem regionis in qua contractus celebratus. Magis obstare videtur *L. 3. ff. quod cert. loc.* ubi expresse Cajus, quantum ad usuras, attendendum esse interesse loci conventi, asserit. Verum salva res est, non enim ibi dicitur, quod debitor usuras in illo loco consuetas exsolvere teneatur, sed ista Jcti mens est, debere Judicem aestimare interesse creditoris, dum ille vel oleum vinumque tanti vendere, vel etiam pecuniam aliis, pro tot usuris mutuo dare nequit, quod tamen potuisset, si debito loco fuisset numerata. Eadem responsio applicando *legi 22. ff. de reb. cred.* ubi sententia Juliani ita explicanda: Si vinum vel res promissa debito loco non praestetur, loci illius aestimationem esse, attendendam, eo effectū, ne damnum patiatur creditor, utpote qui eo locorum forte cariori pretio vinum vendere poterat. Sed longe alium sensum ac diversum plane casum continet assertio nostra quippe qua illud saltem intendimus, pondus, numerum & mensuram rei promissae dijudicandam ex loco contractus: quod si vero quis rem promissam praestare in natura, vel nolit, vel non possit tum demum obtinet decisio *d. l. 22. vid. Brunn. ad d. L. n. 2. seqq.* Tandem vero quae adhuc urgetur *L. 19. §. fin. ff. de Judic.* plane de his omnibus silet.

§. XV.

§. XV.

Hæc cum sua veritate consent, miramur merito, quare Jo. Carol. Antonell. *de Temp. Leg. l. 1. cap. 42. num. 29.* sequutus Oldradum *Conf. 168. num. 1. & Corn. l. 2. Conf. 244.* limitationem in legato formandam censuerit, ita, ut illud non præstandum esse dicat, in moneta currente in loco ubi est conditum testamentum, sed quæ currit in loco solutionis faciendæ, si forte illa testatore adjectus. Sane diversitatis rationem nullam video, qua cessante nec eam sententiam amplecti licebat.

§. XVI.

Id vero certissimum est, cessare supra dicta in Cambio. Posito enim aliam monetam currere in loco contractus, sive cambii scripti, aliam in loco solutionis, sine dubio pecunia solvenda secundum monetam currentem in loco solutionis. Quamquam nec hanc proprie dictam exceptionem esse credamus; quod si enim in ipsam hujus rationem inquirere animus sit, mox apparet, ejus unicam esse causam, conventionem, qua se obligat Campsor, ad præstandum ut Præsentani illius loci, qui solutioni destinatus, moneta ordinaria ab Acceptante exsolvatur: Sed hoc etiam in aliis contractibus quam Cambio obtinet, ut sic non pro exceptione habendum, cum ad eum casum, quæ hætenus dicta, non pertineant.

§. XVII.

His jam positis, disquirendum est, an Acceptans, sive ille qui pecuniam in loco destinato exsol-

vit, tueatur deferre eam in ædes Præsentantis, sive ejus cui fit solutio, an vero hic teneatur adire ædes illius, & ab eo pecuniam petere? Ubi præmonendum, non hic morari debere quempiam, quod nonnulli mercantium facili opera eo adduci soleant, ut pecuniam ad ædes nostras transmittant, id enim illi ex humanitate faciunt, hinc cæteris non possunt Legem imponere. Nos vero hic, quid de Jure fieri necessum sit, sumus solliciti. Et prima quidem fronte videtur, non posse aliam decisionem obtinere, præter eam quam præced. Cap. §. XVI. latius deduximus, simpliciter ibidem asserentes, obligari quemcunque debitorem ad pecuniam in ipsis creditoris ædibus, numeratione legitime facta, restituendam: Ast ne eadem hic obtineat sententia, diversa ratio suadet: non enim simpliciter debetur illa pecunia, sed postea demum quam literarum Cambii facta præsentatio; hæc vero cum in ædibus illius qui solvere pecuniam debet, facienda, verosimile est, teneri quoque præsentantem, ut eo loci oblatum acceptet pecuniam, quod facta præsentatio.

§. XIIX.

Nec est quod hic urgeas, præsentatione facta, non mox sequi solutionem, quippe perlectis & subscriptis litteris Cambii ab Acceptante, ubi plerumque solet subscribi vox *Acceptit*, solent illæ præsentanti restitui, solutione in aliud tempus dilata, Raph. de Turri *Tr. de Camb. Disp. 2. Qu. 2. n. 15. conf. Dom. Gaitus Tr. de Credito cap. 2. tit. 7. & sic remanet*

net adhuc dubium, annon presentatis & subscriptis literis, postea acceptans pecuniam ad illius aedes ferre teneatur? Sed manemus in negativa, ejusque potissimam rationem hanc statuimus, quod illud videtur tacite ipsi negotio subesse. Dum enim remittentes cum Campfore contrahit, eique pecuniae summam tradit, ut eandem vel ipse vel alius ejus nomine alibi recipiat, videtur tacite id saltem voluisse, ut dictam summam alibi repetere possit, jam vero ubi quis repetere tenetur, obligatus est ut eum locum adeat, quo accipere queat. Imo cum remittens teneatur suis sumptibus facere, ut pecunia Campfiori sive Trassanti in aedibus propriis tradatur, quid aequius, quam ut idem remittens a procuratore Campforis eandem in hujus aedibus repetat?

§. XIX.

Ad stipulantur nostrae sententiae mores quasi omnium locorum, sive enim per Belgium, sive per Angliam Italiamque iter feceris, idem obtinere ubique patebit, & maxime in celeberrimo illo Italiae emporio, Venetias intelligo; ubi Mercatores, Germanis peregrinantibus cambia exsolventes, diurno tempore una domo habitant, quae propterea dicitur: Das teutsche Haus. Hanc domum adeat, cui cambium exsolvendum, ibique solutionem recipiat, necesse est. A quo jure mercatores ejus loci, ne latum quidem ungvem recedere solent, saltem non tenentur, etiamsi Princeps sit, cui exsolvenda pecunia.

§. XX.

§. XX.

Hæc vero omnia quibus hætenus demonstratum est, teneri debitorem, ut solutionem faciat, non in alio loco, quam de quo conventum, ita intelligenda sunt, modo creditor etiam eo loci fuerit, ubi solvere vi contractus volebat debitor. Alias enim quamvis dicto loco & tempore non solverit, haud tamen dicendus est moram commisisse. Est namque mora nihil aliud, quam solutionis, debito tempore præstandæ injusto seu frustratoria dilatio *Zæf. tit. de Vfur. n. 46. Jul. a Beym. Tr. Sing. de mora n. 1. Taco a Glins. Tr. de mora Apb. 1. Quis vero dicat, hoc casu in debitore fuisse animum fraudandi, cum cessaverit creditor ad solutionem recipiendam, quam facere debitor paratus erat, Roland. a Valle Vol. 1. Conf. 57. n. 36. seqq. Cacheran. Conf. 4. num. 26. seqq. Jac. Canc. Var. Res. P. II. c. 6. n. 155. Matth. de Afflict. Dec. 316. n. 2. Hieron. Magon. Dec. 78. Aym. Cravetta P. IV. Conf. 648. n. 2. Quanquam hic consultius sit, in casu absentis creditoris, vel judici pecuniam offerre, vel de promptitudine sua in solvenda præstari.*

§. XXI.

Denique videndum an nullo plane casu quod certo loco promissum, alio solvere liceat? Scilicet expediti juris esse existimamus, toties cessare hanc juris dispositionem, quoties cessat alterius interesse, quod si enim creditori idem sit, an loco destinato, an alio solvatur, & tamen solutionem acceptare renuat, non indulgendum arbitramur mali.

malitiosæ ejus petitioni, qua nihil laturus est creditor, nisi ut molestiam reo exhibeat, cum tamen malitiis indulgendum non esse, sapientissime censuerit Jctus Celsus *L. 32. ff. de R. V. conf. Schultz. Tr. de Oblat. pec. c. 4. n. 20.* Hic licet interesse docere possit creditor si tamen debitor præter sortem, usuras simul offerat, ac ita ad refusionem omnis illius damni, quod creditor ratione loci incongrui prætereundum potest, se obliget, non video quare non possit cogi creditor, ad recipiendam solutionem. Barn. Brisson. *de Solut. l. 1. p. m. 53. Negufant. de Pign. P. 5. memb. 3.* Nam si in alia forma nummos accipere tenetur creditor, si damnum inde non passurus per *L. 99. ff. de Solut. Ant. Gabriel. Comm. conclus. l. 4. tit. de Solut. concl. l. 1. seq.* cur non ob eandem rationem in alio loco, cessante damno, solvi posset?

§. XXII.

Quod idem etiam ex parte debitoris verum est, nam si & ab hoc alio loco solutionem desideret creditor, & debitoris nihil plane, creditoris vero maxime intersit, eum ad solutionem compelli posse credimus. Ubi mirari subit, cur quidam summi nominis Jctus hic contrarium statuatur, occasione *L. 8. C. de Solut. nec sc. id a creditoribus in exemplum traheretur: sed qua ratione id cum detrimento debitoris in exemplum trahi possit, non videmus, siquidem in hic terminis maneamus, ejus nihil inter esse, an solutio ibi fiat, an secus. Sane in *d. L. 8.* nihil de hoc ipso habetur, saltem prohibetur creditor absque justa*

E

cau-

causa debitorem, ut alio loco solvat, compellere: atqui quam supponimus hic causam, satis in se justa est.

§. XXIII.

Tandem etiam eo casu solutio alio loco fieri potest, imo debet, si absque summo periculo solutionis locus adire nequeat, forte quod ab hostibus obsessus, vel prædones viam intercluserint: quibus circumstantiis tam debitor, quam creditor alterum ad numerationem alio faciendam compellere valet Bocerus *Class. 4. Disp. 18. 1b. 37. lit. b.* nihil enim generalius dici potest, quam omne illud, quod inter contrahentes actum est, censi ita actum, ut tantum, rebus in eodem statu manentibus, locum obrineat. Guttierrez. *Præst. Concl. l. 3. qu. 42. num. 37. Et 38.* Flamin. *Parif. de resign. benef. l. 1. qu. 14. num. 11. Et l. 3. qu. 18. n. 123.* Hier. Fernandez de Otero *Select. Interpr. cap. fin. de consuet. n. 77.* Marta de *Clausul. P. I. Claus. 127. n. 1.*

CAPUT III.

DE

FORI COMPETENTIA EX
LOCO SOLUTIONIS.

§. I.

Vidimus hætenus, quo loco debitori ab ære alieno se liberare incumbat, si officio se suo conformem gerere velit; sed enimvero, quam pauci reperiun-

riuntur mortalium, quos solus divini Numinis metus, vel conscientiae morsus sub obsequio retinere valeat, nisi extrinsecus quaedam compellendi vis accesserit per Judicia. Hinc rectissime Plutarchus *adversus Colotem* de judiciis disserens, *qui vitam, inquit, qui Leges composuerunt atque jura, utque regerentur urbes, & imperio Magistratum parerent, instituerunt, ii in tranquillo admodum nos collocaverunt tumultibusque liberaverunt. Ista si quis aboleret ferarum porro vitam victuri essemus & quisque obvium quemque tantum non devoraturus.* Proinde id etiam nobis maxime necessarium nunc erit, ut subjiciamus, ubi locorum debitorem meum, si contractus LL. violare, officiique sui immemor esse videatur, convenire atque compellere commode quem, quod Fori competentiam JCTi vocant.

§. II.

Est hinc ante omnia inspiciendus & explicandus Julianus qui *L. 21. ff. de O. & A. Contraxisse*, inquit, *unusquisque in eo loco intelligitur, in quo ut solveret se obligavit.* Cujus non iste sensus est: non differre locum contractus celebrati, a loco solutionis: hoc enim, quantum ego quidem memini, nec asseruit quisquam hactenus, nec asserere absque nota absurditatis potuisset. Sed eo collimat JCTus, ut ostendat, non eo saltem loco conveniri quem ex contractu posse, ubi is celebratus, sed & ad quem locum a partibus destinata solutio; unde Dd. communiter locum solutionis pro competente foro habent.

bent. Cujus forte ea ratio naturalis reddi posset, quod, quemadmodum contrahendo quis videtur, tantum, quantum ad illum contractum, se submisisse illius loci Jurisdictioni, ubi contractum est, ita multo magis quis videtur illum Judicem agnoscere, in cujus territorio contractum solutione consummare voluit. Comparantur ergo invicem locus solutionis & locus contractus, sed non ulterius, quam quod conveniendi facultatem attinet, in reliquis enim magis locum contractus celebrati attendendum, superius cum Brunnenmanno monuimus Cap. II. §. XII. seq.

§. III.

Stat igitur sententia, posse debitorem conveniri in loco solutioni destinato. Sed illa hic perpendenda quaestio est satis ardua, ac inter juris interpretes vehementer agitata, an conveniri ibidem debitor, possit, etiam si eo tempore praesens non fuerit? Sed hic videamus prius, quid in contractus foro hoc passu juris, deinde de loco solutionis erimus solliciti. Illo ergo casu de jure Canonico res expedita est, praesentiam rei requiri, si in foro Contr. quis conveniendus *cap. I. de Foro competente in 6to.* Sed de jure Civili maxima est disputatio, ubi non pauci reperiuntur, qui existimant, altero etiam absente actionem institui posse, quos inter est Lauterbach. in *Colleg. Tb. Pr. tit. de judic. §. 48.* Hahn. *ad Wesenb. de jud. n. fn.* Frantzk. *d. 1. n. 37.* Sed qua id ratione procedere possit, non videmus; quem enim effectum habebit, a iudice loci contractus facta citatio? Etposito, quod urgent, contra reum tanquam contuma-

tuma-

tomacem procedi posse, si non compareat; quo tandem modo executio fieri debet? Nec enim remissionibus, imprimis in contractibus, hodie locus superest. Covarruv. *Pract. quæst. ii. num. 10.* Vult. ad *L. i. C. ubi de Crim.* Rauchbar. *P. I. qu. ult.* Judex ergo domicilii sine dubio per literas mutui compassus ad faciendam executionem implorandus est. His vero sumptibus & incommodis opus non habet creditor, si debitorem mox in loco domicilii compellet. Existimamus proinde, veriore esse sententiam eorum, qui statuunt, in contractus foro neminem conveniri posse, nisi præsens sit, vel bona ibi possideat.

§. IV.

Jam perlustranda sunt asyli, ad quæ dissentientes confugiunt, ubi primum se offert *L. 19. §. 1. ff. de Judic.* ibi: *etsi ibi domicilium non habuit.* Nihil igitur hac lege manifestius existimant, quam conveniri posse reum, in loco contractus, etiamsi domicilium ibi non habuit. Ast duplex ad hoc in promptu est responsio: Primo enim non sunt contraria, præsentem esse, & non habere domicilium; quoties enim id usu venit, homines alicubi esse præsentem, ubi tamen domicilium non habent. Secundo, miror, hætenus a nullo, vel tamen paucissimis interpretum veram responsionem tactam esse, quæ tamen expressis textus verbis fundatur. Hæc enim sunt verba Legis: *Etsi ibi domicilium non habuit, ibi se debet defendere: Et si non defendat, neque ibi domicilium habeat, bona possideri patietur.* Ex quibus

bus ultimis verbis manifesto apparet, loqui Ulpianum de hoc casu, si in loco illo quis bona possideat, quod tum ibi conveniri possit, etiam si absens sit, scilicet ut in bona fiat immissio; quam explicationem arctissima illa verborum connexio desiderat. De illo igitur casu, si nec præsens sit, nec bona ibi reus habeat, nihil continetur in illa Lege. Proinde id ex communibus regulis decidendum: quemadmodum & *d. L. pr.* succurrit, ubi hæres quidem dicitur conveniri posse in loco defuncti, sed notanter additur, *si ibi inveniatur*: Ex quo colligo, nec defunctum ibi (& per consequens nullum debitorem) convenire potuisse, nisi præsens fuisset; quia hæres in defuncti locum succedit, nec ad quidquam obligatur, nisi ad quod obligatus fuerat defunctus.

§. V.

Minus adhuc nos morabitur *Novella 69. pr. & §. 1.* quod enim ibi generaliter in loco contractus forum tribuatur, neminem habeat contradicentem sed qui propterea terminos habiles excludunt, insingerit falluntur; nihil enim in jure nostro tam generaliter dicitur, quod non convenientes præsupponat terminos.

§. VI.

Hæc igitur cum tam vera sint, nostra etiam sententia in praxi communiter recepta, & si non ab omnibus, a plurimis tamen *Dd.* approbata. *B. Brunemann. ad d. L. 19. ff. de Judic. num. 14.* *Mevius P. I. Dec. 239. n. 1. & de Arrestis c. 12. n. 14.* *Colerus de Process.*

cess. Exec. P. II. c. 1. num. 44. Christinæus *Vol. II. Dec. 264.* Sichard. *ad L. 2. C. de Jurisdic. num. 12.* Anton. Faber. *l. 3. Cod. tit. 15. def. 4. & l. 8. tit. 30. def. 55.* Gail. *l. 2. Observ. 36. num. 14.* Jacob. Cancerus *Var. Resol. P. II. cap. 6. num. 150.* Sigism. Scaccia *de Judic. l. 1. c. 40. n. 6.* Modern. *de Processu P. II. cap. 1. num. 18.* Sola *in Consuet. Subaud. de Citat. gloss. 8.* Socinus *ad Rubr. de foro competent. num. 15.* Siort Oddus *de Restit. in integr. qu. 32. art. 13.*

§. VII.

Fulta jam sententia nostra, & probata, teneri reum præsentem esse in loco Contractus, si conveniri debeat, videamus an idem de loco solutionis dicendum, sive ad diversum quid hoc casu obtineat? Sane, non licuit rationem assequi, quare accuratissimi quidem Jcti existiment, teneri reum ut se præsentem sistat in loco contractus, si ibidem solutio destinata, alias etiam contra absentem procedi posse vult. *ad tit. C. de Jurisdic. n. 27.* Matth. Stephani *de Jurisdic. l. 1. c. 29. n. 6. seqq.* Quamobrem cum nihil plane diversitatis hoc passu, quoad hæc loca reperiri possit, in thesi potius nostra subsistimus; cur enim sola solutionis destinatio hoc effectu gaudere deberet.

§. VIII.

Sed forte aliud pronuntiandum cuiquam videri posset, si juramento debitor, quod in loco solutionis comparere velit, promiserit, cujus sententiæ est Dn. Petr. Muller *in Comment. ad B. Struv.*

Syn-

Syntag. J. C. Exerc. IX. tb. 42. lit. β. Verum posito hoc, adhuc remanet quaestio, qua ratione debitor cogi possit, ut compareat, si ille domicilium sub alio iudice habeat, quem certe solum hoc iuramentum adigere non potest, ut beneficio sportularum se privati patiatur: nec enim remissiones hodie necessitatis sunt, uti tradidimus. §. 3. b. cap.

§. IX.

Hæc ergo jam remanet conclusio, forum quem fortiri in loco solutionis, si præsens sit. Sed an id absolute accipiendum, an vero tantum de eo casu, si agatur ad contractus implementum, non minima disputatio est? Sunt qui existimant, tam ad rescissionem, quam consummationem actus gesti, debitorem in loco contractus, sive, cum eadem ratio sit, in loco solutionis, conveniri posse, imprimis propter *L. 14. §. 4. C. de non numerat. pec. Coler. de Process. Exec. P. II. c. 1. num. 24. & 44. Carlewall. de Judic. tit. 1. Disp. 2. n. 189. sequ. Matth. Steph. de Jurisdic. l. 2. cap. 29. num. 4. & 5. Strauch. diff. Just. 21. tb. 16. Frantzk. l. 3. Ref. 11. n. 3. Hillig. ad Donell. l. 17. c. 14.* Nos vero salva aliorum autoritate hic contrarium statuimus, nec locum esse actioni existimamus, nisi illa ad implendum contractum tendat, idque perspicacissimis verbis *L. 2. C. ubi & ap. quem cognit. asserimus. Consentunt Brunneman. ad d. L. 2. n. 3. Lauterbach. in Colleg. Jur. ad tit. de Judic. §. 49. Tiraquell. de retrait. lignag. §. 8. gl. 5. num. 2. Mevius P. VI. Dec. 72. n. 1.*

§. X.

§. X.

Quod *L. 14. §. 4. C. de non num. pec.* attinet, illa nihil vel parum nos stringit; non enim ibi dicitur, quod ad dissolvendum actum quis in foro contractus conveniri possit, sed tantum, quod alter possit exceptione non num. pec. uti, ex quo sua sponte consequitur; debitorem hac exceptione utentem, conveniri ad implendum contractum, & restituendum promissum. Deinde imbecillis admodum illatio est, eo loco potest opponere exceptionem reus, ergo & actionem eodem foro instituere eidem promissum.

§. XI.

Hæc de illo casu, si debitor in loco solutionis præsens sit, allata sufficiant. Ordo jam desiderat, ut videamus, quo loco conveniri possit debitor, si absens & in solutione cesset? Bartolus *ad L. 1. ff. de eo quod certo loco* & qui eum sequitur Vultejus *ad L. un. C. d. r. num. 51.* aliique existimant, posse debitorem, qui debito loco non solvit, ubique conveniri, etiamsi alias nullum ibi forum sortiatur, modo præsens sit. Sed vero, quam id statuere absolum sit, nemo non videt. Absurdum quippe foret, locum adjectum, quo constringitur facultas conveniendi, operari effectum contrarium, ut si non solvatur loco destinato, liceat longe lateque perere, contra intentionem contrahentium, inquit Hahn *ad Wesenbec. tit. de eo quod cert. loc. n. 2.* Qui obijciuntur textus, tanti momenti non sunt, ut prolixam respon-
 sionem mereantur; potius generaliter statuimus,

F

ubi

ubicunque dicitur in Lege, debitorem quovis loco conveniri posse, ibi terminos habiles supponendos, de quovis loco, quo alias conveniri poterat. Donnell. l. 17. *Comment. cap. 19.* Bachov. *ad Tr. Disp. 23. rb. 3. lit. G. & Disp. 8. de Act. rhes. 4.* Barbof. *ad L. 19. §. fin. ff. de Judic. num. 23.* Frantzck. *tit. de eo quod certo loco in fin.*

§. XII.

His positis, ubi ad specialia fit progressus, necessariae disquisitionis est, an in contractus loco debitor conveniri possit, si promisso loco non solvatur debitum? Affirmat id Hohnius *cit. loc.* alijque plures, quorum sententia iniqua non videtur, cum in loco contractus generaliter quis forum sortiatur, modo ibi praesens sit, quod §. III. & seqq. demonstratum. Enimvero non eandem utrobique rationem fuisse credimus, sicut locus solutioni adjectus sit, five non: eo ipso enim, dum alium solutionis locum destinant partes, quam quo celebratus contractus, videntur tacite contractus foro renunciare, & omnem ejus vim in locum solutionis transferre; nam si ibi conveniri voluissent, & illud forum agnoscere, cur in alio loco solutionem fieri desiderassent? Et sic intelligenda sententia L. 21. ff. de O. & A. juncta L. 3. ff. de reb. aut. jud. pass. quod non censeatur ille locus contractus, ubi negotium gestum, sed ille in quem destinata solutio. Lauterbach. *Colleg. ad tit. de eo quod certo loc. §. 13.* Cacheran. *Dec. 114.* Rotgen *Dec. 105.* Wesenbec. *P. I. Conf. 14. n. 45.* Oldradus *Conf. 168. in pr.*

§. XIII.

§. XIII.

Quod si tamen Hahnii sententia admittenda foret, tum illa his finibus circumscribenda, ut eo tantum casu procedat, si debitor vel certum domicilium non habeat, vel etiam ibi difficulter, ob potentiam forte conveniri possit: hac enim ratione iniquum foret, creditorem ad illud forum trahere, quo ei vel denegatur plane, vel difficilis redditur justitia.

§. XIV.

Licet jam ulterius progredi & dispicere brevissimis, an Campsor forum fortiarur in loco solutionis, an in loco contractus? Cui tamen quaestioni satisfieri nequit, nisi prius discussum, quisnam sit locus contractus? Ubi non sine censura dimittendus est, Jo. Gothofred. Freyerus *Tract. de Solutionib. cap. 6. n. 13.* statuens, illum esse locum contractus; quo destinata solutio cambii, non autem illum in quo cambium celebratum. Quam sententiam vereor ut valeat defendere: sive enim ad nominatos contractus & quidem consensuales cambium referas, sive ad innominatos: utroque casu is contractus locus dicendus, quo de voluntate & consensu partium constitit, traditaque Campsori sive Trassanti pecunia. Ita si Lipsiæ cum Campsore contraxerim; de solvenda mihi pecunia Venetiis, quis asserere audeat, Venetiis locum contractus esse, cum solutio tamen eo destinata? Ut hinc hac duo loca bene ab invicem separanda. Jo. Mart. Vogt. *Tract. de Camb. tb. 5.* Allegat quidem Freyerus pro

sua opinione Jo. Dominic. Gaitum *Tract. de Credito cap. 2. n. 2566.* non tamen inspicienti mihi licuit verbum reperire, quod pro defendenda ipsius sententia faciat.

§. XV.

Cognitio itaque loco contractus, & solutionis, principali quæstioni jam manus admovenda, videndumque quo loco forum sortiatur Campsor, si literæ ejus destinato loco fidem non invenerint? Videtur hic singulare aliquid observari, quod Campsor non in loco solutionis, sed domicilii conveniri possit. Quodsi enim ille, in quem facta est Trassa, alias *Acceptans* dictus, cambium vel plane non acceptare, vel justo tempore non solvere velit, *Præsens* mox protestationem interponere, & ita cambium ad Trassantem remittere debet: Er muß den Wechsel mit protest lassen zurück gehn, quo ipso mox facultatem, executive contra Trassantem agendi, consequitur, quod sine dubio in domicilii foro fieri debet. Jo. Dom. Gaitus *d. Tr. de Credito cap. 2. tit. 7. num. 2333. seqq.* Raphael de Turri *Tr. de Camb. disp. 2. qu. 12. n. 15.* Marquard. *de Jure Mercator. l. 2. c. 12.* Honorat. Leotardus *Tr. de Usur. Qu. 26. n. 16.* Jo. Mart. Vogt. *Tr. de Camb. tbes. 7. lit. g.* Hæc omnia verissima non tantum, sed & in praxi recepta esse, nemo quidem facile negabit; inde tamen non inferre ausim, singulare aliquid hæc continere; cum omnis debitor, secundum superius adducta, si in loco solutionis præsens non sit, in foro domicilii conveniendus. Interim vero, si dare-

daretur casus , præsentem aliquando esse Campso-
rem in loco solutionis , nihil absurdi subesse existi-
mo, si statuatur, posse & ibidem eum conveniri.

§. XVI.

Discursum hic prolixum mereretur quæstio,
quo loco ad legata solvenda conveniri possit heres?
Verum cum & proprie ad institutum nostrum non
pertineat, & jam tum superius me ea tetigisse sciam,
liceat illud saltem colophonis vice asferre, multum
hic interesse ratione fori sive facultatis conveniendi,
& ratione necessitatis solvendi. Sane forum compe-
tens quoad legati præstationem esse, non tantum ubi
hereditas vel ejus major pars sita, sed etiam ubi hæ-
res domicilium habet, negari nequit, Prius enim ex *L.*
Unic. C. ubi fideicomm. in aprico est, posterius vero ex
generalitate fori domicilii, quod nunquam in compe-
tens esse solet, evincitur. *L. 50. §. ult. ff. de Jud.* Quan-
tum vero ad ipsam solutionem, non alibi compellen-
dus est solvere heres, quam illo loco, ubi major pars
hereditatis sita, per *d. L. 50. pr. ff. de Jud.*

§. XVII.

Has igitur quæstiones, ubi legatum petendum,
& ubi solvendum, male a Dd. confundi, recte mo-
nuit B. Dn. Brunnemann. *ad L. Un. C. ubi fideicomm.*
num. 1. cujus sententiam laudat Dn. Bruckhardus
Bardili, Jctus Tubingensis quondam celeberrimus,
disput. de Competentia fori ratione contractus cap. 4.
num. 46. seqq. ubi tamen Brunnemannum sequenti-
bus verbis perstringit : *Attamen vir aliquoquin per-*
spicacissimus sibi ipsi contrariatur, nam in L. un. C.

ubi fideicommissum. hæc habentur verba: nam potest etiam peti legatum, ubi major pars hereditatis, adeo ut heres alibi conventus ad illum locum provocare possit. Si autem, pergit Dn. Bardili provocare potest ad illum locum, tunc sane consequens est, quod judicium declinare non possit, quod tamen voluit idem ad L. 50. pr. ff. de J. l. n. 2. Verum non advertere licuit, in quoniam contradictionis fundamentum quærat Dn. Bardili; confectarium enim illud, quod Brunnemanno opponere voluit, huic re vera non obstat, cum hic in Comment. ad d. L. 50. nunquam asserverit, quod heres de legato in loco domicilii conventus, eapropter judicium declinare possit, quod major pars hereditatis a sibi sita, sed potius aperte concedit, declinationem judicii in loco domicilii non esse licitam, licet ratione solutionis, ad locum, ubi major pars hereditatis sita, provocare valeat. Remanet ergo hic exceptio a regula: Ubi quis convenitur, ibi etiam solvere tenetur, nisi in alio loco ubi ex indole negotii solvere tenebatur, debitum præstare paratus sit.

§. XIX.

Jam subjicienda foret actio, si alio loco, quam in quem destinata solutio, conveniendus sit debitor, qua ratione judex hic arbitrium suum interponere, & interesse vel debitoris, vel creditoris, æstimare debeat; Verum cum de hoc commentatores tituli ff. de eo quod certo loco dari oportet abunde agant, eo benevolam Lectorem remitto.

S. D. G.

COROLLARIA.

I.

L Ex Civilis licet in conscientia obliget, non raro tamen Civili sanctioni se conformem gessisse, peccatum gravissimum involuit.

II.

Matrimonium ad Marganaticam contractum die Vertrauung zur Lincken Hand, ubi pacto uxor, & ea ex nascendi liberi, a dignitate & successione abstinere tenentur, non pugnat cum justitiæ regulis, nec quidquam manus sinistra efficit, cum & salvo hoc pacto dextra manus recte porrigi possit.

III.

In concursu sponsaliorum, si utraque publica sint, priora posterioribus prævalent, etiamsi ad hæc carnalis & sacerdotalis copula accesserit, imo & liberi inde procreati.

IV.

Jus venandi, quod nobiles sibi vindicant, sine titulo possideri nequit, hinc Principi exigenti titulum, cum edere necesse habent, nisi præscriptionem immemoriam docere possint.

V.

An obligatio bey Verlust seines Ehrlichen Namens, debitori non solventi infamiam inurat, disputatur? Nos id de facti, sed non de juris infamia affirmamus.

VI.

Moderamen inculpatæ tutelæ jure Naturæ non permissum, sed præceptum esse, existimo, hinc in conscientia peccat, qui illud omittit.

VII. Cri-

VII.

Crimen læsæ Majestatis in Electores patrari, hodie non amplius negatur. Quo supposito, etiam in ministros Electorum idem committi, concedendum est.

VIII.

Puella homicidam liberare nequit, si ejus matri monium expetat, sed bene furem, cui tamen si puella amores displiceant, an potius festinare ad patibulum salva conscientia possit, dubium est. Non affirmativam defendimus.

IX.

Sunt qui existimant, in juramento perborrescentia allegandas esse causas, quare quis hunc judicem perborrescat. Nos tamen contrarium statuimus, quid enim juramento opus, si causa suspicionis adsit sufficiens.

X.

Penam ultimi supplicii furibus irrogandi defendi posse puto, licet non negem, alio supplicii genere commodius forte crimen hoc removeri posse. Illud tamen nulla ratione nititur, quod Saxones defendunt, furis suspensi heredes a conditione furtiva liberari; Sicut nec illa praxis Saxonica, alibi etiam recepta, juris fundamento gaudet, quod ob penam corporis afflictam delinquens liberetur a refusione expensarum.



